

國朝傳記

清代傳記叢書



明文書局印行


清代傳記叢刊·綜錄類⑦
周駿富輯

國朝耆獻類徵初編

(五二)

卷三八九至
卷三九八

(清)李桓輯



明文書局印行

1/18/2011

國朝耆獻類徵初編卷三百八十九目錄

孝友十五

胡其愛

潘元生

程堂

郭大址

蔣曾榮

黃林李孝子

譚廷奎

郭家駒

方德發

向作錦

子日富

鄭衡

胡如楷

楊安辨

謝表

姚夢熊

謝天膺

元孫本

史印曾

任天篤

徐炯

蕭良昌

黃有則

龐佑

熊熙材

姜塔

江世琳

奚緝營

方源聚 廣擴本 費春榮

方源聚

廣擴本

費春榮

羅天閻

宋之珩

榮澹

國朝耆獻類徵初編卷三百八十九

通奉大夫前署江西巡撫江西布政使司布政使湘陰李桓輯

孝友十五

胡其愛

潘元生

孝子胡其愛者桐城人也生不識詩書時時爲人力傭兩以其備之直奉母母中歲邁罷癯之疾長臥牀褥而孝子常左右之無違自臥起以至飲食溲便皆孝子躬自扶抱一身而百役靡不爲也孝子家無升斗之儲每晨起爲母盥沐烹飪進朝饌乃敢出傭其傭地稍遠不及炊則出勺米付鄰媪而叩首以祈其代爨媪辭叩則行數里外遙致其拜焉至夜必歸歸則取母中裙穢污自浣滌

之孝子衣履皆敝垢而時致鮮肥供母其在與傭者之家遇肉食
卽不食而請歸以遺其母同列見其然而分以餉之輒不受平生
無所取於人有與之者必報母又喜出觀遊村鄰有優伶之劇尋
子每負母以趨爲藉草安坐候至夜分人散乃復負而還時其和
霽母欲往宗親里黨之家亦如之孝子以生業之微遂不娶惟單
獨一人竭力以養終其身母陳氏以雍正八年病至乾隆二十七
年乃以天年終蓋前後三十餘年而孝子奉之如一日也母既歿
負土成墳旁挂片席而居悽傷成疾逾年癸未孝子胡其愛卒
贊曰今之士大夫遊宦數千里外父母歿於家而不知其時日豈
意鄉里傭雇之間懷篤行深愛之德有不忍一夕離其親宿於外

如胡君者哉胡君字汝彩父曰志賢又同里有潘元生者入自外
而其家方火其母閉在火中元生奮身入火取其母以出頭面皆
灼爛此亦人之至情無足異然愚夫或怯懦不進則抱終身之痛
無及矣勇如元生蓋亦有足多者余故爲附著之

右傳劉大櫟撰

178-008

程堂

歲之秋仲余道出溫嶠程君良佩要至家食既出一像色古而澤類有隱德蓋其尊人上舍卓亭遺影也上有武林趙咸甯題贊余讀而識之續睹天台龐鳴昂所爲墓誌銘言上舍事益悉良佩因更請余表其碣以誌之既具也書其大節拳拳者上舍諱堂字用三卓亭其號也篤於天性善伺父母意得其歡讀書暇常以親命收債吳越開歲一出或二三出然念親在率不過一月而反母素健飯一旦出不意病病而不旬日卒而上舍適在客奔不及頭搶地氣絕不能出聲繼乃大號曰吾名列太學而爲利故母病不能侍湯藥死不及視襚含吾尙得爲人乎居喪寢苫枕塊惟食糜一

日聞烏嗚泣謂人曰吾少時問烏何以稱孝烏母言烏能反哺今母已亡而言猶在反哺之報未盡是以痛耳由是足不涉五里外事父二十年愈恭謹里稱曾子弟鏡湖上舍與友愛無閒食指繁家人或欲分析堅不許曰吾寡兄弟幸無毀顧欲各立門戶客視手足豈先人意耶其言出天性類如此年四十四卒先數日呼家人曰日間覺時與父母處吾殆將死矣世饒於貲上舍益大起然義取而人不怨又性喜施多承其惠者故死咸痛之祖諱廷寵父諱光祖並修德遂纂行配黃氏名族也子二長聖璧卽良佩亦上舍生次聖剛有文而嗜古女子子三其大倩鄭君興嗣余友也上舍以康熙庚子某月日生卒於乾隆癸未某月日與黃孺人合葬於

里之西南孟家畧爲文刻其碣者同邑進士戚學標

右墓碣戚學標撰

本草綱目卷之三十一

二

郭大址

三晉以孝友世其家者曰平遙郭氏五世同居門無異財縣學生
樸村官構兩翁實董其家政每督學使者至輒旌其門以示勸士
大夫無不翕然稱之今春官構翁卽世將卜葬於城東十里之長
甯原其從子興讓狀其行事乞余銘興讓與余同年進士卽樸村
翁之子也讀其狀質而無溢美故樂得而書君諱大址官構其字
始祖思忠自陝西渭南縣徙平遙之王郭村其十世孫曰三耀三
耀生縣學生紹儀紹儀生三子長爾強是爲樸村之考季爾翰實
生君故君於樸村爲從父昆弟君少樸村一歲總角時食同器臥
同榻入塾同硯席旣冠同籍學官自壯至老晨夕相依其友愛雖

同產不是過也君狀貌嚴重鬢長尺餘事親孝交友信視端行直
非禮不動家世同爨食指繁多而樸村翁性曠澹事無大小悉委
之君每辨色卽起諸子姓上堂問起居惟謹婚嫁喪祭必裁以禮
平居服用皆取儉樸惟課子弟讀書必延名師一門羣從學業皆
有師法平遙三百年來以進士起家者自興讓始君之教也興讓
之孫於君已親盡君撫視之如己出有過失輒加箠楚君旣不以
屬疏引嫌家人亦帖然無少嫌也姑之子某負官錢二百緡吏逮
治之急旦夕且歿死君齋白金詣縣庭代輸之事得釋諸姑之孫
以貧告者君出貲數百金俾各作生計折閱殆盡無愠色或諷君
不善殖財則曰吾家藉先世遺產頗饒足彼雖遠戚自吾祖視之

皆外孫曾也吾敢私先人所有哉君生於康熙二十二年六月十三日卒於乾隆二十九年三月十六日春秋七十有二配高氏子男一人于京國學生女三人適國學生梁理介休縣學生范翰光國學生張應璠孫男三人豐型豐烈豐孚銘曰

子壯出分俗自秦別籍異財始弟昆戚單服盡行路均不念厥初同一身范道根李盛伯五世同居表史冊誰其繼之平遙郭千秋萬載眎貞石

右墓誌銘錢大昕撰

178-016